

العزبة

شعر

رشدي أنور

سلسلة رؤى من إصدارات يسطرون



رئيس مجلس الإدارة

عماد سالم

الإشراف الأدبي

صالح شرف الدين

مدير الإنتاج

أحمد عبد الحليم

الطبعة الأولى

الكتاب : العزبة

المؤلف : رشدي أنور

تصنيف الكتاب : شعر

تصميم وإخراج : سلسلة رؤى

المقاس ١٤ × ٢٠

رقم الإيداع : ٥٨٨٢ / ٢٠١٨

الترقيم الدولي : 9 - 644 - 776 - 977 - 978

العنوان : المكتبة والطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١١٥١٠٤٧٦٥٦ - ٠١٢٨٣٦٢٢٩٧٢

Email: yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

إهداء

إلى التي علمتني الكثير ...

إلى مصنع الرجال، وعرين الأبطال ..

ألى التي أفخر بانتمائي إليها ..

مقدمة ١

بقلم الشاعر الكبير عبد الستار سليم

عضو اتحاد كتاب مصر

نعلم أن. لفظ «العزبة» كان يطلق زمان. على الغيط عندما يتحول إلى سكن، وكان ذلك يتم فى المواسم، مثل موسم الحصاد، إذ كان «المزارع» - بضم الميم. وهو الذى يقوم بالزراعة والفلاحة فى الغيط - هو وأسرته (زوجته وأولاده) يتركون بيوتهم فى القرية، ويذهبون إلى الغيط، ويبتنون فيه سكنا مؤقتا، فى فترة الحصاد، وكان هناك من يعجبه الحال والطقس وجوُّ الخلاء المفتوح، وهوأؤه النقى، ويسمى هذا المكان ب «العزبة» فيستمر، وتطول به الإقامة. مما كان يشجع المزارعين الآخرين، فيحذون حذوه، وتستمر عملية السكنى فى الغيط إلى أن تتحول العزبة - التى كانت بيت أو بيتين إلى مجموعة من البيوت، وحينئذ يطلقون عليها اسماً، وفى الأغلب الأعم تتسمّى باسم أول من سكن فيها، فيقولون (عزبة فلان)

كل هذا التاريخ الجميل. والحبيب إلى نفسى. ذكرنى به
(شاعر العزبة. رشدى أنور)

ذلك الشاعر الكبير، صاحب الأحاسيس المرفهة، والمشاعر
الجياشة، . الممتلئة بالشجن، والتي تفيض حبًا. وحميمية،
والذى صنع من «مصر» عزبتنا الكبيرة، والتي يحلو - لى
- شخصيا تسميتها. ب «أمّ العِزْب» على غرار أم القرى
- بعد أن سمعت الشاعر يلقي قصيدة «العزبة» - فى
أحد المحافل - بصوته. الذى كان يتهدج بنبراته المصرية
الخالصة وحبه الجارف لعزبتنا الكبيرة - فهى فعلا أم
العزب، لأنها - كما قال. الشاعر فى قصيدته الجميلة
- «العزبة دى أقدم بلاد المنطقة، ولأنها آخر بلاد الله.
وأطيبها، ولأنها معروف عنها أنها لا تخون»، وهى ليست
عزبة فارغة، بل كانت تعج بالكرم، كرم الضيافة، وكرم
الأخلاق، وكرم الأصل والفرع، وفيها مدارس لكل الفنون.
والحرف، من أول الطب والتحنيط والهندسة والعمارة التى
بنت الأهرامات إلى مدرسة الفلك وتقسيم السماوات، ومدرسة
السحر والشعوذة

والعزبة هذه كانت أكبر مدرسة - على حد قول الشاعر
رشدى أنور وهو محقّ فيما ذهب إليه بهذا الوصف الدقيق
- وهى ليست على غرار عزب المزارعين، أى هى ليست
عزبة اسم بعينه، . وهى عزبة لا يستطيع أحد أن يهزها
ولا يشكل بالنسبة لها تهديدا. ما، بل هى التى تسود،

وهى التى تحتوى ، وهى التى لها أرضها. وسماؤها ونيلها
وناسها، وتاريخها، وحضارتها التى غطت الكون آنذاك... .
وقد أحسن الشاعر صنعا حين ختم قصيدته بالشعار
الصادق - والصادم للآخرين من الأعداء والحاquدين - (العزبة
دي ديما توحد ربنا

الدم غالي عندنا
الأرض هي عرضنا
الزراع أكبر همنا
والرسول هو الحبيب
فلازم نعلم نسلنا
إن الهلال أخو الصليب)
وذكرنى هذا الشعار (الهلال أخو الصليب)

بالمربع الذى كنت كتبتَه عن مصر والذى يقول:

مصر. اَللى وَلَدْتُنَا. عا النِّيل
وَلَدْتُنَا إِخْوَةَ تَوَايِم
بَطَّرس و حِنْس و قَنَدِيل
عا يَلْفُوانَفس العَمَـايِم

عبد الستار سليم

القاهرة ٢٠١٨م

مقدمة ٢

بقلم الشاعر المصري الكبير :أمين الديب

أخي القاريء بين دفتي هذا الديوان قصائد من تأليف الشاعر رشدي أنور الذي يحب الأدب والأدباء، ويداوم على حضور الندوات والمؤتمرات والمهرجانات الشعرية في كل محافظات الجمهورية من أدناها إلى أقصاها، علاوة على الندوات الأسبوعية في القاهرة، واستمعت إليه كثيرا، وأعلم أنه يبتعد عن أي نقد لما حوله، ولكنني عندما قرأت قصيدة (العزبة)

وجدته طرق باب النقد، ودخله بقوة يصول ويجول وبدأ بقوله : العزبة دي من غير صحاب، والعزبة دي مش ملك حد، وأخذ يعدد محاسن مصر، وأنها أقدم بلاد المنطقة، وحضارتها أقدم حضارة، وهي أم الفنون والهندسة، ولا تعتدي على أحد، ولا تقبل الاعتداء عليها، وأنها ملك

لأهلها :المسلمين والمسيحيين ، عبر عن ذلك بالأسلوب
السهل الممتنع الشيق الرشيق ، وكم تمنيت أن أسهب في
تحليل القصيدة ، ولكنني أبيت فشهادتي مجروحه نظرا
للسداقة التي بيننا ، وأردت أن تتأمل أخي القاريء
بنفسك كيف نجح الشاعر في نقده دون أن يسيء لأحد وقال
كل ما يريد

أحيي وأبارك للشاعر :رشدي أنور ..

أمين الديب

الجيزة مارس ٢٠١٨م

التقديم

حياة الشعر وشعر الحياة

-قراءة في ديوان العزبة للشاعر رشدي أنور

-بقلم : المستشار صالح شرف الدين :عضو اتحاد كتاب مصر

-عندما تكون حياة الإنسان من الثراء بحيث لا يتسع الزمن لاستيعاب كل ما يعن له من خواطر وأفكار، وعندما تزيد المسافة بين الحلم وبين الواقع، يجد الإنسان في الكتابة والتأليف متسعاً يستوعب كل ما يخطر بباله، فيصاحب القلم، وتغدو الكلمة صديقه والكتاب صاحبه الوفي الذي لا يتخلى عنه، يسطر على الأوراق ما يخلده، ويشير إليه عبر الأيام والأعوام والدهور...

بين أيدينا ديوان يمثل جزءاً من حياة مبدع أفناها في العمل الجاد من أجل بلاده، وله من الخبرات والتجارب

ما يجعلنا نحتفل بها وبه ؛لأنه دونها رغبة منه في أن تصل
رسائل جديدة إلى الجميع من خلالها، تتألق في الديوان الأنا
الشاعرة فأكثر من قصيدة تدور حول الأنا يقول :

أنا يا حبيتي الملك

وأنا يا حبيتي أصول

وأنا يا حبيتي الأسد

وأنا يا حبيتي الغول

عايش حياة البشر

بالعرض أو بالطول

ويقول :

أنا الحاكم ..

أنا الوالي ..

أنا ابن يوسف الحجاج

أنا الجالب من بلاد السود

الذهب والعاج

أنا الزارع ..

أنا الحاصد..

أنا النّسّاج..

- إن ترحبنا بديوان العزبة يقوم على أساس القيم والمبادئ الإنسانية التي يدعو لها من خلال نصوصه هذه القيم تمثل عقل التجربة وهدفها، الشاعر مهوم بوطنه، وأفرد أكثر من قصيدة يدعو فيها بصورة مباشرة وغير مباشرة لإصلاح الأحوال، ويؤكد على الوحدة بين كل عناصر الشعب، ونبذ أي خلاف، والإيمان أن الغد أفضل يقول :

العزبة دي

رغم انها

أأقدم بلاد المنطقة

الأرض فيها واسعة

لكن ضيقة
تعشق كلام الهزل
ويا التريقة
فلازم نرجعها بسرعة
عزبة منتجة
العزبة دي
معروف حدودها
من قرون
من قبل موسى أو قارون
معروف وعنها لا تخون
لا تخون

ويقول :

العزبة دي محتاجه منا الاتفاق

محتاجه نبدأ بكرة جد

العزبة دي دينا توحد ربنا

الدم غالي عندنا

الأرض هي عرضنا

الزراع أكبر همنا

والرسول هو الحبيب

فلازم نعلم نسلنا

إن الهلال أخو الصليب

-عبر الشاعر عن تجربته باللهجة العامية المصرية، وهو متأثر في موسيقاه بالزجل المصري الأصيل، تطول النصوص أو تقصر وفق تلقائية التجربة التي تناولت البعد الإنساني لحياة الشاعر، وتفاعله مع الأحداث، وهموم الوطن، فكانت نصوصه معبرة عن حياة شاعر، وداعية لأن تكون

الحياة أكثر جمالا وواقعية، فشعره من أجل الحياة، وحياته
من أجل الوطن .
يقول :

أحب أنا ربنا
عالي المقام والمن
أحب أنا أرضنا
بلد التاريخ والفن
ولما يتقال اسم مصر بخير
تلاقي القلب يرقص
تلاقي النبض يحن

-نتمنى للشاعر دوام التقدم والرقى، ونرى له قريبا
أعمالا جديدة جميلة ..

القاهرة: فبراير ٢٠١٨م

العزبة

العزبة دي

أقدم بلاد الله

وأطيبها عزب

العزبة دي

بيقل فيها كل يوم

ضل الشجر

صوت المطر

فوصلنا للحد الخطر

العزبة دي

رغم انها

أأقدم بلاد المنطقة

الأرض فيها واسعة

لكن ضيقة

تعشق كلام الهزل

ويا التريقة

فلازم نرجعها بسرعة

عزبة منتجة

العزبة دي

معروف حدودها

من قرون

من قبل موسى أو قارون

معروف وعنها لا تخون

لا تخون

العزبة دي

كان فيها أكبر مدرسة

في الطب حتى الهندسة

حتى ف أصول السحر

ويا الشعوذة

العزبة دي وصفوها

مرة بالقمر

وصفوها ياما بالكرم

والحل نرجع نقلل في المهور

نرجع نكسر في الصخور

نرجع ونبني من جديد

مليون هرم

مليون هرم

العزبة دي

كان فيها فن الاحترام

وليننا عدو

ولا بنا صلح ولا بنا خصام

ولا بنا حل ولا حرام

لا بنا أمن ولا بنا أمان

فلازم نأمن ع الحدود

وبلاش ننام

العزبة دي مش ملك حد

مش أي حد يهزها ولا أي حد

هيبنوا سد هنهديهم ألف سد

العزبة دي محتاجه منا الاتفاق

محتاجه نبداً بكرة جد

العزبة دي دينا توحد ربنا

الدم غالي عندنا

الأرض هي عرضنا

الزراع أكبر همنا

والرسول هو الحبيب

فلازم نعلم نسلنا

إن الهلال أخو الصليب

ف العزبة دي

أطيب بشر

الذنب بينهم ممكن يغتفر

إلا ف عبادة الإله

إلا في طوق النجاة

إلا في حدود المياه

إلا في الموت والحياة

إلا في عبور القناة

إلا في دفن الشهيد

إلا في تراب الوطن

عشانك

جمال الدنيا في عنيك

ومرمى الحسن في خدك

فمين تشبه .؟

ومين قدك .؟

ومين قبلك .؟

ومين بعدك .؟

ومين جاوز في يوم خدك .؟

ومين يقدر على بعدك ؟

عشان قربك ..

دعيت أنا ربنا وصليت

عشان عاشق ..

رفعت إيديّ للسما ودعيت

عشان مغرم ..

عملت أنا شعوذة

وزرت أهل البيت

عشان حجبك

ركبت أنا وليبيت

ولما صار الهوى بينا

بقيت مدمن لأحضانك

ولا سستي بعيد عنك ولا مللي

عشان خاطرك

لزمت البيت

قالوا

أنا يا حبيتي الملك

وأنا يا حبيتي أصول

وأنا يا حبيتي الأسد

وأنا يا حبيتي الغول

عايش حياة البشر

بالعرض أو بالطول

بحب دنيا الهنا

زي هامان وقارون

قالوا عليّ كثير

حامي النساء في الدور

قالوا كثير معذور

قالوا بسرعة يثور

قالوا أكيد مغرور

قالوا عليك مهرة

أنا أبقى ليك الحارس

قالوا عليك أميرة

وأنا وراك الفارس

وقالوا عليك أمل

أنا أبقى ليك عمر

وقالوا عليك (شجر)

وأنا ليك قدر

وقالوا عليك ليل

أنا قلت لا دي قمر

قالوا عليك نور

أنا قلت لا دي بدور

قالوا دي ساكنة قصور

قالوا دي نسل الحور

ولو تكوني (سعاد حسني)

أنا راح أكون (صلاح منصور)

بيني وبينك

بيني وبينك سر

سد وجبل، ومنطقة خطر

بيني وبينك رعد وبرق ومطر

وَألف سكة سفر

وَألف طريق وطريق

وَألف بحر اتحفر

بيني وبينك قدر

خايف أبوح بالسر

يقولوا: عنى كفر

حَنِی

الشاعر اللي انجرح

وجرحني على جرحه

قال لي: أقول ..

ولا ما قولشي

أعيش ولا ما اعشي

أنا لا مرتاح ع الشجر

ولا أنا مرتاح في عشي

وكان عايز يغير

أي شيء مقدر شي

الشاعر الي حلم

يرويلك أزهارك

وكان بيحلم يكون

ضلك وعنوانك

قال لي: زمان كنتم

على كلمة تختلفوا

على نظرة يعود الود

من تاني

وتتقابلوا على سكة طريق مختصر

بتبقوا

أجمل مخلوقين في الكون

الشاعر الي انصاب

بجنون ووحداي

طلب مني طلب إنساني

قالي قول لها : حنّي

على القلب على النني فبكاني

نسيت روعي

نسيت اسمي وعنواني

أنا

أنا الحاكم ..

أنا الوالي ..

أنا ابن يوسف الحجاج

أنا الجالب من بلاد السود

الذهب والعاج

أنا الزارع ..

أنا الحاصد ..

أنا النّسّاج ..

أنا صاحب القصر ..

صاحب التشريفة

أنا الأمر ..

بكسوة الكعبة الشريفة

أنا صاحب ..

منحة العشرة في المية

أنا المعشوق ..

بنسبة مية في المية

أنا صاحب الانتصار

في المعارك الحربية

أنا الزعيم للحارة
وصاحب النبوت
جابي فلوس العباد
بالقسوة والجبروت
أحب صوت النسا
زي البلح والتوت
أضعف ما يمكن أنا
في حضنك أنا مبسوط

أمين الديب*

*شاعر من كبار شعراء العامية في مصر

أخاطبك كشاعر

ولا كبشر

ولا كبير للديابة

ولا عاشق سحر الربابة

ولا معشوق فن الخطابة

زاحمتك، قبلت الزحام

راهنتك، كسبت الرهان

سابقتك، لقيتك حصان

سمعتك لقيتك جيتار

بركز لقيتك إمام

لقيتك بيرم التونسي

وجبران خليل جبران

لقيتك حاوي المعاني

وحاضن الأوزان

سألت يا ترجمان

مين علمك الشعر

وفهمك أوزان

وحبيك في العفو والغفران

وازاى بقيت البريمو

وازاى بقيت الحصان

حطيت الإيدى ع البحر

طلع السمك غنى

لمست إيدىك الشجر

صار الشجر حنة

يا عم يا أسطورة

يا عم يا فنان

ساعات تكون علي

ساعات كثير عثمان

حنانك ع الفقير ياما

تداوي مريض وجعان

ولما سؤالي غلب

جاني الجواب عنوان

قال لي :دا حب البلد

عندي بقى إدمان

قال لي : الغنى والفقر

ويا الشعب والجوع

وكلام كثير يتقال

جوه البيوت مسموع

بره البيوت ممنوع

شاعر تقاوي الأمل

تزرع ٢٠٠ فدان

لقيتك مدرسة للشعر

والفن والأساليب

الكل يتعلمه

في الجامعة والكتاتيب

وشعرك يقوم قيامة

وعاصفة وزعابيب

لقيتك مارد الجبل

ولا أحمد ابن شبيب

ما تشبه لشاعر لكن

تشبه أمين الديب

تأييد

أحب أنا ربنا

عالي المقام والمنّ

أحب أنا أرضنا

بلد التاريخ والفن

ولما يتقال اسم مصر بخير

تلاقي القلب يرقص

تلاقي النبض يحن

أنام مرتاح سعيد

أسمع نجاة فيروز

حليم وفريد

واغنّي: تسلّم الأيادي

تسلم يا جيش بلادي

أحس بكل كلمة حلوة

أحب كل تغريدة

ولو معتوه

يذكر مصر بسوء

أحاربه مهما يكون

واروح في الكل

تأييده

باشوفك

باشوفك في سواد الليل

قمراية

ونجماية

وبرج حمام

وبيت إلهام

وهوا وضباب وغمام

واشوفك قبل

وبعد ما أنام

واشوفك نخلة تتمايل

على الشطين

زهرة بتفتح

جوه نني العين

واشوفك سمكة بلطية

جوه نهر النيل

ف قربك مني

باشوف الويل

فى بعد خطاك

فى بعدك عنى

بالملى وبالسستى وبالميل

رجعت وحدي

ورجعت وحدي في الطريق

من غيرك إنتِ

وفضلت وحدي في الخلا

زي الغريق

محتاج لإيد

الحب ساكن قلبي أنا

لكن أنا بردو أنا

لسه أنا رغم العذاب

رغم الهوان

رغم الأنا

ورغم أنك إنت الحل

وإنت المشكلة

لسه بحبك من جديد

والي بيشهد ربنا

إبراهيم رضوان*

* شاعر من كبار شعراء مصر

قالوا عليك :رحالة

ودايم الترحال

بالبدلة تبقى وزير

في البلد بالجبة والقفطان

قالوا عليك :مدرسة

قالوا عليك :هندسة

قالوا عليك :جورنال

حطيت إيديك ع الرملة

حولتها لجنة

إنت الدوا والمداوي

وانت كمان بَنَّا

إنت الجمال والجميل

الفرح والمنّة

و ف الفنون فنان

شعرك بيتغنّي

ومين يقول على الوردة

مش وردة

وإن الشعر ملوش سلطان

ومين غير ف الدنيا عزيز

ومين غيرك إبراهيم رضوان

هلال و صلیب

وانا صاحبي أغلي
من الذهب والماس
بيحب اهلي وناسي
وشاعر جميل حساس
رغم انه لوقا
ساعات يطلع
فوق المدنة ويادن
وانا أحب أساعده
فعمل أنا القداس

رسالة من أنتى

من حقك ترفع صوتك

جوة ف بيتك

من حقك تتسيد

وتغير وتبدد

وانا مش قدرة أعارض

يجرى فى دمك

اتدلل وأتمارض

الكاتب في سطور

- ضابط سابق بالقوات المسلحة المصرية
- عضو عامل برابطة الزجالين وكتاب الأغاني
- مشرف صالون الشاعر الكبير أمين الديب
- يشارك بإيجابية في المشهد الثقافي والأدبي
- حصل على العديد من القلائد والدروع وشهادات التقدير
- ومتزوج له أربعة أبناء وثلاثة أحفاد

الفهرس

مقدمة بقلم الشاعر عبد الستار سليم.....	٥
مقدمة بقلم الشاعر أمين الديب.....	٩
التقديم.....	١١
العزبة.....	١٧
عشانك.....	٢٧
قالوا.....	٣٣
بيني وبينك.....	٣٩
حني.....	٤٣
أنا.....	٤٩
أمين الديب.....	٥٥
تأييدة.....	٦٣
باشوفك.....	٦٧
رجعت وحدي.....	٧١
إبراهيم رضوان.....	٧٥
هلال وصليب.....	٨١
رسالة من أنثى.....	٨٥
لكاتب في سطور.....	٨٩